


Oseania



Sta voxe la xe stada scrivesta co la variansa dita venesian e senza na grafia.

Ła **Oseania** (da 'l fransexe *océan*, osèano^[1]) el xe un continente de ła Tera^[2]. El xe delimità da 'l Osèano Indian a ovest e da 'l Osèano Pasifego a sud^[3], est e nordest; a nordovest invese el xe in contato co ła Axia.



Ła Oseania vardada dal satellite

Ìndaxe

Giografia fixega

Giologia

Orografia

Idrografia

Clima

Ecologia

Giografia umana

Sudivixion

Note

Bibliografia

Altri Projèti

Giografia fixega

El caratere prinsipal de sto continente el xe ła so insularità: xe a dir che łe tere emerse che łe vien asociae a ła masa prinsipal łe se cata pitosto sparpagnae, e divixe da de łe grande destirae de acua.

Ła se desvilupa a caval de el emisfero oriental a ovest e de chelo osidental e est, inte łe łatitudini ecuatoriali e in chełe tropicali australi. Łi so punti estremi łi xe a nord łà *ìxoła Midway*, a sud łe *ìxołe Macquarie* ^[4], a ovest łà *ìxoła Dirk Hartog* e a est łà *ìxoła de Sala y Gomez*; łà se estende donca par sirca 85° de łatitudine ^[4] e 142° de łongitudine.

Ła xe granda sirca 9 milioni de km² ^[5], łà maxor parte de łà so superfisie (sirca 85%) łà xe raprezentada da 'na masa ugnola (ła *Australia*); łe *ìxołe* pi' grande łe xe łà *Nova Guinea*, łà *Ìxoła de 'l Nord* e łà *Ìxoła de 'l Sud* de l'arsipelago de łà *Nova Xelanda* ^[6], łà *Tasmania*, łà *Nova Britannia* inte łe *Bizmarc*, *Viti Levu* inte łe *Figi*, *Hauài* int'el omonimo arsipelago e *Buganvil* inte l'arcipelago de łe *Salomone*.

Ła masa continental prinsipal łà xe pitosto conpata, incixa in modo significativo solo che da łà *Gran Baja Australiana* a sud e da el *Golfo de Carpentaria* a nord, che łà separa da łà *Nova Guinea* che se cata a nord; łà penìxoła pi' inportante łà xe łà *Penìxoła de Cao Iorc*, al nord est de łà *Australia*. A est de łà *Australia* se cata el *Mar de Tasman* e el *Mar de li Corali*. A est de łà *Nova Guinea* se cata el *Mar de Bizmarc* e el *Mar de łe Salomone*.

Giologia



carta batimetriga in inglese, indove łà Xelandia łà xe evidensiada co na linia trategiada

Ła Oseania łà comprende sia tere emerse che łe se cata so łà crosta continental de łà *Australia* ^[7] e de łà *Xelandia*, sia tere che se cata so łà crosta oseanega, in particolar łongo varie serie de caene montuoxe sotomarine.

Rispetto a łà masa de łà *Australia* łe caene pi' visine łe xe relasionae a łà orogenexi senoxoica, sol bordo de łà crosta continental o osèanega (*Volcano*, *Marianne*, *Nova Guinea*, *Bizmarc*, *Salomone*, *Vanuatu*, *Nuova Caledonia*, *Figi*, *Tonga*, *Nova Xelanda*). Łe caene pi' distanti invese łe xe xenerae da el movimento de łà crosta oseanega sora de li ponti caldi (*Emperor-Hauài*, *Sporadi ecuatoriali-Tuamotu*, *Maršal-Gilbert-Tuvalu-Samoa*).

Łà *Australia* invese łà prexenta tereni molto pi' antichi. A ovest se cata el *Craton Australian Osidental* ^[8], el *Craton Australian Meridional* ^[9] e el *Craton Australian Setentrional*; inte łà porsion oriental se cata basini sedimentari paleo-mexoxoici e orogeni paleoxoici.

Orografia



Puncak Gaia, in indonexian *Puncak Jaya*

Łi pi' inportanti elementi de łà orografia łi xe:

- el *Uestern Platò* che el ocupa scuaxi tuta łà metà osidental de łà *Australia*.
- łe caene de li *Monti Maoce*, de li *Monti Bizmarc* e de li *Monti Óuin Stanli* che łe segna da est a ovest łà *Nova Guinea*.
- łe *Alpi Meridionali* che łe segna el marxene osidental de łà *Ìxoła de 'l Sud*.
- łà *Gran Caena Divixoria* che łà segna el marxene oriental de łà *Australia*.
- serti vulcani inte łe *ìxołe* oseaneghe anca in funsion de el łor gran ìxołamento topografego: el maxor el xe el *Mauna Cea* inte łà *Ìxoła Hauài*.

La veta pi' alta de 'l continente la xe el Puncac Gaia inte li Monti Maoce.

Idrografia



Kati Thanda


La idrografia la xe caraterixada da un reticolo poco svilupà, sia par la scarsità e frammentarietà de le tere emerse, sia par la scarsità de precipitazioni inte le aree pi' estese.

Li laghi pi' vasti li xe tuti laghi salai de la Australia sentromeridional, *Kati Thanda* ^[10] e *Lago Torrens*; intra chehi de acua dolse li pi' inportanti li xe el *Lago Murray* inte la Nova Guinea, e *Lago Taupo* inte la Ìxoła de 'l Nord.

Li fiumi pi' inportanti li xe *Sepik*, *Fly*, *Mamberano-Tatitatu* e *Digul* inte la Nova Guinea, e *Murray-Darling* inte la Australia oriental. Tra li fiumi co andamento iregołar li pi' longhi li xe *Cooper Creek-Barcoo* e *Warburton-Georgina* inte la Australia central^[11], *Flinders* inte la Australia nordoriental.

Clima

El clima ecuatorial/tropical interessa le bande nordosidentali de sta rejon (Australia setentrional, Nova Guinea, Salomone, Ebridi, Figi); el clima subtropical interessa la maxor parte de le ìxołe osee neghe e la costa oriental de la Australia; el clima tenperà (mediteraneo pi' a ovest e osee nego pi' a est) interessa le bande sudosidentali de el continente (Australia meridional, Tasmania, Nova Xelanda). El interno de la Australia el ga clima arido.



Carta climatega sevente la clasifiasion de *Koppen* de la Oseania sudoriental

Ecologia



Gran bariera Coralina

In Austalia el interno el xe ocupà da dexerto (se ricorda el Gran dexerto Vitoria e el Gran dexerto Sabioxo); indando in diression de le coste se cata savane alberae a nord e stepe a est; so le coste setentrionali e orientali ghe xe foresta pluvial, so chele meridionali e osidentali vegetaxion mediteranea. Le ìxołe de la Oséania, conprexa la Nova Guinea, le xe caraterixae xenralmente da la foresta pluvial o da foreste subtropicali. In Nova Xelanda se cata invese foreste tenperae e praterie.

La fauna la fa parte de le rejon xoogiografega Australian, inte la cual le bestie pi' significative le xe li masupiali (es. canguri e coala) e li monotremi (es. ornitorinchi); intra li oxei se ricorda li oxei de el paradixox e li *Casuariiformes* (es. emù e caxuari). La flora la fa parte de el regno floristego australian e de el regno floristego paleotropego^[12], inte la cual le piante pi' significative le xe li

eucalipti, le acacie e le *banskie*. Sendo la Oseania un continente caracterizà da grande destirae de acua, se ricorda anca la ecoregion marina de la Gran Bariera Coralina, che la se desvilupa longo le coste nordorientali de la Australia.

Giografia umana

La Oseania co sirca 36 milioni de abitanti la ga una de le densità de popołasion pi' scarse de la tera pari a 4 ab/km²; la xe inoltre estremamente variabile intra la parte sentral de la Australia speso completamente despopolada e le so coste sudorientali o serte ìxole che pol rivar a oltre 500 ab/km².

El paexe pi' grande e anca pi' popola de la xona el xe la Australia, co 7.686.850 km² e sirca 23 milioni de abitanti; chelo co la densità de popołasion pi' alta el xe Nauru, co 587 ab/km².

Le aglomerasion urbane pi' grose le xe Sidni co 4,6 milioni de abitanti e Melburn co 4,2 milioni de abitanti.



Carta fixego-politega in inglexe de la Oseania

Sudivixion

Le Nasion Unie le sudivide par motivi statisteghi la area de la Oseania in:

- Australia e Nova Xelanda
- Melanexia
- Micronexia
- Polinexia



Sudivixion statistega de el ONU in esperanto

Al dì de ancó la xe divixa pulitegamente in 14 stati membri de le Nasion Unie, 2 stati ricognosui de le Nasion Unie^[13], e vari teritori dipendenti^[14].

Note

1. toponimo inventà int'el 1812 da el giografo fransexe de orixene danexe *Conrad Malte-Brun* (1775-1812), che ga difuxo la vixion de un mondo divixo in sincue «continenti», de xenere feminil par acordarse co st'altri cuatro.
2. Secondo serti giografi, in particolar intra cheli de lengua inglexe, la Oseania no la saria un continente, ma pitosto un "teritorio", o na region giografega, parché in realtà solo che la Australia la saria granda in bisogno par esar definia un continente; donca la masa continental in sta area la saria la **Australia**, e no la comprendaria tute le ìxole osèaneghe a nord e a est.
3. o cofà altri giografi da 'l Osèano Antartego
4. serti giografi le considera parte de el continente antartego par via de clima, flora e fauna; in sto caxo el ponto pi' meridional saria la *ìxola Stewart*, e la estension in latitudine la saria de sirca 78°.
5. *treccani.it* ([http://www.treccani.it/enciclopedia/oceania_\(Enciclopedia_Italiana\)/](http://www.treccani.it/enciclopedia/oceania_(Enciclopedia_Italiana)/)). Lingambo vardà el 17-01-2014.
6. ste ultime tre da sole le riva a n'altro 12%
7. nota anca cofà *Sahul*












8. composto da el *Craton de Yilgram* a sud e da el *Craton de Pilbara* a nord
9. noto anca cofà *Craton de Gawler*
0. noto na volta cofà *Lago Eyre*
1. intranbi imisari de el *Kathi Tandha*
2. cofà serti autori sta parte la forma un regno a parte dito regno floristego oseanego
3. le Ìxole Cuc e Niue
4. intra li cuali le indonexiane Papua, Papua Osidental (e parte de Moluce e Moluce setentrionali), le statunitensi Hawaii, le cilene Ìxola de Pàscua e Isla Salas y Gómez, la giapponexe Minami-Tori-shima.

Bibliografia

- Eduard Strasburger (Begr.), Peter Sitte, Elmar Weiler, Joachim W. Kadereit, Andreas Bresinsky, Christian Körner: Lehrbuch der Botanik für Hochschulen. 35. Auflage. Spektrum Akademischer Verlag, Heidelberg 2002, ISBN 3-8274-1010-X, S. 986.

Altri Projèti

-  **Wikimedia Commons** (<https://commons.wikimedia.org/wiki/?uselang=en>) el detien imàjini o altri file so **Oceania** (<https://commons.wikimedia.org/wiki/Category:Oceania?uselang=vec>)

V · D · C (https://vec.wikipedia.org/w/index.php?title=Mod%C3%A8l:Oseania&action=edit)	Stati del mondo Oseania
Stati del mondo	 Australia • Figi • Kiribati • Ìxole Marshall • Ìxole Salomone • Nauru • Nova Zelanda • Palau • Papua Nova Guinea • Samoa • Stati Federà de Micronesia • Tonga • Tuvalu • Vanuatu
Dipendense	 Guam • Ìxole Cook • Ìxole Mariane Setentrionali • Ìxole minori esterne de i Stati Unii de la Mèrica ^[1] (Baker • Howland • Jarvis • Johnston • Kingman • Midway • Palmyra • Wake) • Ìxola Norfolk • Ìxole Pitcairn • Niue • Nova Całedonia ^[2] • Polinexia Franséxe ^[2] • Samoa Mericane • Tokelau • Wallis e Futuna ^[2]
Teritori transcontinentali*	 Cile • Giapòn • Indonèxia • Stati Unii
<ul style="list-style-type: none"> ▪ miga prexenti int'el schema de łe Nasion Unie • parte de el teritorio el xe in <u>Mèrica del Nord</u> • parte de el teritorio el xe in <u>Eoropa</u> 	
V · D · C (https://vec.wikipedia.org/w/index.php?title=Mod%C3%A8l:Continenti_de_%C5%82a_Tera&action=edit)	Continenti de la Tera
Continenti cofà difarenti modeli	<div> <div> Antartide</div> <div> Eorafraxia</div> <div> Mèrica</div> <div> Oseania</div> </div> <div> <div> Africa</div> <div> Axia</div> <div> Australia</div> <div> Eoropa</div> <div> Eoraxia</div> <div> Mèrica del Nord</div> <div> Mèrica del Sud</div> </div>
Continenti somersi atuali	<u>Pianoro de łe Mascarene</u> • <u>Pianoro de łe Cèrgelèn</u> • <u>Zelandia</u>
Continenti desparii del pasà (Paleocontinenti)	Continenti <u>Antartide oriental</u> • <u>Arctica</u> • <u>Asiamerica</u> • <u>Atlantica</u> • <u>Avalonia</u> • <u>Baltica</u> • <u>Calahari</u> • <u>Caxacstania</u> • <u>Cimeria</u> • <u>Cina del Nord</u> • <u>Cina del Sud</u> • <u>Congo</u> • <u>Euramerica (Łaurusia)</u> • <u>India</u> • <u>Łaurentia</u> •

	<p><u>Siberia</u></p> <p><u>Supercontinenti</u></p> <p><u>Afro-Euraxia-Mèrica</u> · <u>Colunbia (<i>Nuna</i>)</u> · <u>Gonduana</u> · <u>Cenorlandia</u> · <u>Łaurasia</u> · <u>Nena</u> · <u>Pangea</u> · <u>Panotia</u> · <u>Rodinia</u> · <u>Ur</u> · <u>Vaalbara</u></p>
Posibili continenti del futuro	<p><u>Supercontinenti</u></p> <p><u>Amasia</u> · <u>Pangea Ultima</u></p>
Continenti imaginari	<p><u>Atlantide</u> · <u>Iperborea</u> · <u>Łémuria</u> · <u>Kumari Kandam</u> · <u>Mu</u> · <u>Terra Australis</u></p>

<u>Controlo de autorità</u>	<p><u>VIAF</u> ^(EN) 253275800 (https://viaf.org/viaf/253275800) · <u>LCCN</u> ^(EN) sh85093910 (http://id.loc.gov/authorities/subjects/sh85093910) · <u>GND</u> ^(DE) 4044257-3 (https://d-nb.info/gnd/4044257-3) · <u>NDL</u> ^(EN, JA) 00568945 (https://id.ndl.go.jp/auth/ndlna/00568945) · <u>WorldCat Identities</u> ^(EN) 253275800 (https://www.worldcat.org/identities/containsVIAFID/253275800)</p>
------------------------------------	---

- Wikimedia Commons (https://commons.wikimedia.org/wiki/?uselang=en) el detien imàjini o altri file so **Oceania** (https://commons.wikimedia.org/wiki/Category:Oceania?uselang=vec)

Ùltimo canbiamento de sta pàgina el 22 luj 2020 a łe 18:24.

El testo el xé disponibile secondo la licensa Creative Commons Atribusion-Condividi n'te la stesa manjiera; e pole aplicarse oncora pì condision. Varda łe condision d'uxo par i detaji.